



SIUMUT

INATSISARTUNI ILAASORTAATITAT / LANDSTINGSGRUPPEN

30.september 2009

Inatsisartut suleriaasianni § 36 imm. 1 naapertorlugu Naalakkersuisunut apeqqut imattoq matumuuna saqqummiuppara:

Inatsisartut peqqussutaata nr.12, 20.november 2006-meerup taassumalu malittaaniq nalunaarut nr.15, 23.juni 2008-meersoq tunngavigalugu meeqqat atuarfianni atuartut ukiuni 10-ni pinngitsooratik atuarfiusussangortinnejarsimaneranik aaliangerneq, qanoq isilluni pisortaniit tamakkiisumik eqquutsinneqartumik atuutsinneqarpa ?

Peqqussutip ukiuni 10-ini pinngitsoorani atuartussaatitaanerup atulereernerata kingorna, 10. klasse suli naammassinngikkaluarlugu aniinnartoqartarnera Naalaakkersuisut ilisimanerlugu?

(Inatsisartuni ilaasortaq Malik Berthelsen, siumut)

Tunngavilersuut:

Taamatut apeqquteqarninnut pissutaavoq, Meeqqat atuarfianni 8. klasse-niit qummut atuartut tapisiaqartarnerannik atorunnaarsitsiniarlutik Naalakkersuisut Inatsisartunut siunnersuuteqarmata. Naalakkersuisut tunngavilersuutigaat peqqussutip nutaanngilivallaarsimanera aammalu atuartut pinngitsooratik ukiuni 10-ini atuartussatilaalersimanerat.

Meeqqat atuartut ukiuni 10-ini pinngitsooratik atuartussaatitaanerat Siumumiit isumaqtigaastruput. Taamaakkaluartoq takujuminaatsippa peqqussut qanoq isilluni pisortaniit tamakkiisumik eqquutsinneqarsinnaanersoq, imaluunniit tamakkiisumik malitsinneqarsinnaanersoq?

Peqqussutimmi atulereerneratigut suli takusarpagut tusartarlugillu meeqqat ilai 10. klasse suli naammassinngikkaluarlugu atuarfinniit aniinnartartut, naak aali pinngitsooratik 10. klasse naammassisimasussaagaluarlugu. Angajoqqaammi aaliangeeqataasimappata qitornamik atuarunnaarnissaannut imaluunniit qitornaminnik aqutsisinnaannginnertik naalatsitsisinnnaannginnertilluunniit pissutigalugit meeqqaminnik atuarfimmiiit anisitsiinnartarsimappata taava pisortaniit qanoq iliuuseqarnissaq ajornakusoortuussaaq.

Meeqqanut atuartunut angajullianut tapiissuteqartarnerup atorunnaarsinneqarnissaanik Naalakkersuisut siunnersuutaat Siumumiit isumaqtigisinnnaanngilarput, minnerunngitsumik Naalakkersuisut allamik aaqqiissutissamik ilaqtariinnut atuartutilinnut pissakinnerusunut ikorsiisinnaasumik siunnersuuteqanngilluinnaarmata. Aammalu ilaqtariit pissakinnerusut qitornaat 10. klasse suli naammassinagu ilaqtariit aningaasaqarniarnerannut tapertaaniarlutik suliffittaarniarlutik atuarfinniit aniinnartalernissaat aarleqqutigatsigu.

Akissuteqarfigineqarnissara qilanaalarlugu

Inatsisartuni ilaasortaq
Malik Berthelsen, Siumut